



Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСІЙ ГАЗЕТАСИ

№ 15 (14.066)

Баҳоси эркин нарҳда

## ТУРИЗМ ВА СПОРТНИ РИВОЖЛАНТИРИШ МАСАЛАЛАРИ МУҲОКАМА ҚИЛИНДИ

**Ўзбекистон Республикаси Президенти Шавкат Мирзиёев 28 январь кунги туризмни ривожлантириш, жисмоний тарбия ва спортни янада оммалаштириш масалаларига бағишланган йиғилиш ўтказди.**

Бугунги кунда жаҳон туризм бозори ҳажми қарийб 9 триллион долларни ташкил этмоқда. Дунёда иш билан банд аҳолининг ҳар ўнinchиси ушбу соҳада фаолият юритмоқда.

Таҳлилларга кўра, туристлар ҳаво транспортида учиб вақти 5 соатгача бўлган ўлкаларга энг кўп саёҳат қилади. Мамлакатимиз атрофида бундай масофада 60 га яқин давлат, 3 миллиард аҳоли бор. Йилга уларнинг қарийб 360 миллиони хорижга саёҳат қилади. Бу улкан туризм бозори дегани.

Ўтган йили юртимизга 6,7 миллион нафар сайёҳ келди. Дигеримиз 10 дан ортиқ нуфузли халқаро нашрларда энг жозибали туристик маскан сифатида эътироф этилди.

Президент Шавкат Мирзиёев ўзининг яқинда Олий Мажлисга йўллаган Мурожаатномасида туризмни иқтисодийнинг стратегик тармоғига айлантириш устувор вазифа эканини таъкидлади.

Жорий йилда хориждан келадиган сайёҳлар сонини 7,5 миллионга, 2022 йилда 10 миллионга ва 2025 йилда 12 миллионга етказиш режалаштирилган. Бу орқали туризм хизматлари экспорти жорий йилда 1,5 миллиард доллар, кейинги 5 йилда 3 миллиард долларга оширилади.

Давлатимиз раҳбарининг сайёҳаракати, хусусан, 2018 йил 7 февралдаги "Ички туризмни жадал ривожлантиришни таъминлаш чора-тадбирлари тўғрисида"ги қарори тўғрисида ва ҳалқимиз фаровонлиги ошгани сайин ички туризм ҳам кенгайиб бормоқда. Бироқ, йиғилишда таъкидланганидек, жаҳон стандартларига мос меҳмонхоналар, малакали гидлар етишмади.

Шу боис меҳмонхоналари жорий йилда 1 минг 700 тага, келгуси 5 йилда 3 мингтагача кўпайтириш керак. Оилавий меҳмон уйлари ҳам 2 мингтага етказиш зарур. Булар орқали туризм соҳасида йилга камидан 30 мингта янги иш ўрни яратиш мақсад қилинган.

Тақвдий таҳлил руҳида ўтган йиғилишда ушбу натижаларга эришиш учун амалга оширилиши зарур бўлган чора-тадбирлар муҳокама қилинди.

Сайёҳликнинг аъёнжавий турлари қамровини кенгайтириш билан бирга янги кўринишларини кўпайтириш зарурлиги таъкидланди.

Юртимиз юқори салоҳиятга эга бўлган кардиология, урология, стоматология, офтальмология каби тиббиёт йўналишларида туризмни ривожлантириш, соғломлаштириш ва дам олиш масканларига стратегик инвесторларни жалб қилиш бўйича топшириқлар берилди. МДХ давлатлари қасаба уюшмалари билан яқин алоқаларни йўлга қўйиб, сайёҳлар сонини кескин ошириш мумкинлиги қайд этилди.

Туризмни ривожлантириш давлат қўмитаси ва Маданият вазирлигига туризм маршрутига киритилган объектлар сонини жорий йилда 800 тага, 2025 йилда эса 2,5 мингтага етказиш вазифаси қўйилди.

Кичиқ туризмни ривожлантириш бўйича 2020–2025 йилларга мўлжалланган инвестиция лойиҳаларини ишлаб чиқиб, амалга ошириш муҳимлиги таъкидланди.

Мамлакатимизда самолёт ва поездларда хизмат кўрсатиш сифати наслиги, чипталар нархи эса қимматлиги йўловчиларнинг асосли эътирозларига сабаб бўлмоқда. Оқибатда кўнчилик хорижий ташувчилар хизматини танламоқда. Темир йўл ва авиа йўналишларимиз кенг қамровли ва рақобатбардор эмаслиги қайд этилди.

Транспорт вазирлиги ва Туризмни ривожлантириш давлат қўмитасига Ўзбекистоннинг 4 аэропортида жорий этилган "очиқ осмон" режимида тўлиқ фойдаланиш

ниш, янги авиа йўналишлар очиб, тезкорар поездлар сонини кўпайтириш, чипталар нархини арзонлаштириш бўйича кўрсатмалар берилди.

Йўлбўйи туризм инфратузилмасини ривожлантириш, "туризм қишлоғи", "туризм овули" ва "туризм маҳалласи" лойиҳаларини амалга ошириш масалаларига ҳам тўхталиб ўтилди.

Ўтган йили хорижий кинокомпаниялар томонидан мамлакатимизда 1,6 миллион долларлик 6 та бадий фильм суратга олинди. Шунда ҳарajatларнинг бир қисминини Ўзбекистон томонидан қоллаш тизими йўлга қўйилса, бу маданият туризмни ривожига катта туртки бериши билан бирга ўлкаимизнинг халқаро майдонда тарғиботига ҳам ҳисса қўшади.

"Ўзбекистон" Миллий агентлигига хорижий кинокомпаниялар билан ҳамкорликни ривожлантириш, юртимизда суратга олиш механизмларини жорий этиш юзасидан топшириқлар берилди.

Туризм соҳасида кадрлар масаласига эътибор қаратилар экан, 20 та олий таълим муассасасида ҳамда Туризмни ривожлантириш давлат қўмитасига бириктирилган 3 та техникум ва 9 та коллежда ишчи касблар тайёрлаш тизимини жорий этиш бўйича ҳали кўп муаммолар ўз ечимини топмагани қайд этилди. Ўқув жараёнида илгор тажрибаларни жорий этиш бўйича вазифалар белгиланди.

Йиғилишда жисмоний тарбия ва спортни ривожлантириш масалалари ҳам муҳокама қилинди.

Давлатимиз раҳбарининг жорий йил 24 январда қабул қилинган "Ўзбекистон Республикасида жисмоний тарбия ва спортни янада тақомиллаштириш ва оммалаштириш чора-тадбирлари тўғрисида"ги Фармони соҳанинг келгуси ривожига асос яратди.

Фармонда барча туман ва шаҳарларни камида 3 та спорт турига ихтисослаштириш орқали катта спортга сифатли заҳира шакллантириш тизимини йўлга қўйиш чора-тадбирлари белгиланди.

Бу йил 269 та футбол, волейбол, баскетбол ва бадминтон нуфузли спорт заллари, 178 та бокс, кураш, фитнес ва гимнастика спорт заллари, 32 та теннис корти қуриш вазифаси қўйилди, унинг молиявий манбалари ҳал қилиб берилди.

Йиғилишда мазкур фармонда белгиланган вазифалар ижроси билан боғлиқ масалалар кўриб чиқилди. Жисмоний тарбия ва спорт вазирлигига ҳар бир туман кесимида ташаббускорларни аниқлаб, қурилиш вазирлиги билан биргаликда арзон ва энергия тежамкор спорт иншоотлари қуриш бўйича намунали лойиҳаларни тайёрлаш вазифаси топширилди.

Спорт ва жисмоний тарбия билан мунтазам шуғуллангани аҳолининг умумий сонини жорий йилда 18 фоизга, 2025 йилда эса 30 фоизга етказиш, шунингдек, 7 ёшдан 30 ёшгача бўлган ёшларнинг камида 30 фоизини оммавий спортга жалб этиш зарурлиги таъкидланди.

Мамлакатимизда китба ва жаҳон чемпионатлари ва бошқа нуфузли халқаро спорт мусобақаларини ўтказиш орқали спорт туризмни ривожлантириш лозимлиги таъкидланди.

Миллий спорт турлари, хусусан, курашни янада ривожлантириш, уни Олимпиада ўйинлари дастурига кириштириш муҳимлиги қайд этилди.

Йиғилишда жорий йилда Токиода бўлиб ўтадиган Олимпиада ва Паралимпия ўйинларига тайёргарлик масаласига алоҳида эътибор қаратилди.

Муҳокама қилинган масалалар юзасидан мутасаддилар ахборот берди.

ЎЗА

## ТРАНСПОРТ СОҲАСИДАГИ ҲОЛАТ ТАНҚИДИЙ ТАҲЛИЛ ҚИЛИНДИ

**Президент Шавкат Мирзиёев 28 январь кунги транспорт тизимини самарали ташкил этиш борасидаги устувор вазифалар муҳокамасига бағишланган йиғилиш ўтказди.**

Мазкур соҳадаги давлат бошқаруви тизимини тубдан тақомиллаштириш, транспорт коммуникацияларини стратегик ривожлантириш ва барқарор фаолият кўрсатишини таъминлаш мақсадида, Президентимизнинг 2019 йил 1 февралдаги Фармони билан Транспорт вазирлиги ташкил этилган эди.

Бу борада муайян ишлар қилинган бўлса-да, мамлакатимизнинг транспорт-транзит салоҳиятидан тўлиқ фойдаланилмапти.

Халқаро экспертлар ҳулосасига кўра, Ўзбекистон транзит салоҳиятини ҳозирги 7 миллион тоннадан 16 миллион тоннага, 2030 йилда эса минтақавий лойиҳаларни амалга ошириш эвазига 23 миллион тоннага етказиш имконияти мавжуд.

Жаҳон банкнинг логистика рейтингига юртимиз 163 давлат орасида 99-ўринда бўлиб, халқаро ташувларни амалга оширишнинг қулайлиги бўйича 120-ўринда қайд этилган.

Оптимал тариф сиёсати мавжуд бўлмагани сабабли транзит юк оқимини жалб этиш ва маҳаллий товарларнинг ташкил бозорларда рақобатбардорлигини ошириш имконияти чекланмоқда.

Йиғилишда транзит сиёсатини бутунлай қайта кўриб чиқиш Транспорт вазирлигининг энг муҳим вазифаларидан бири экани таъкидланди.

Темир йўл тизимини тубдан ислоҳ қилиш, соҳага хусусий капитални кенг жалб этиш бўйича кўрсатмалар берилди.

Фуқаро авиацияси соҳасидаги ҳолат ҳам танқид қилинди. Миллий авиаконструкция негизига ташкил этилган "Uzbekistan Airways" ва "Uzbekistan Airports" акциядорлик жамиятлари мустақил ташкилотлар сифатида фаолиятини тўлиқ йўлга қўйишга сабабли ислохотлар самараси кўринмапти.

Шунингдек, ўтган йили 4 та аэропортда "очиқ осмон" режими жорий этилиб, "бешинчи ҳаво эркинлиги" ўрнатилган эди.

ЎЗА

Ўзбекистон Республикаси Президентининг ҚАРОРИ

## "TASHKENT PHARMA PARK" ИННОВАЦИОН ИЛМИЙ-ИШЛАБ ЧИҚАРИШ ФАРМАЦЕВТИКА КЛАСТЕРИНИ ТАШКИЛ ЭТИШ ТЎҒРИСИДА

Инновацион ва юқори сифатли дори воситаларини, тиббий буюмлар ва тиббий техника воситаларини ишлаб чиқаришни ташкил этиш, аҳолининг ушбу маҳсулотларга бўлган эҳтиёжини қондириш, фармацевтика соҳаси мутахассисларини халқаро таълим стандартлари асосида ва талаб юқори бўлган мутахассисликлар бўйича тайёрлашни, фармацевтика таълимнинг халқаро илмий ҳамжамият тизимига изчил интеграциялашувини таъминлаш ва республикада фармацевтика тармоғини янада ривожлантириш мақсадида:

1. Ўзбекистон Республикаси Инвестициялар ва ташқи савдо вазирлиги, Соғлиқни сақлаш вазирлиги, Иқтисодиёт ва саноат вазирлиги, Олий ва ўрта махсус таълим вазирлиги, Тошкент вилояти ҳокимлигининг Тошкент вилояти Қўбрай туманида "Tashkent Pharma Park" инновацион илмий-ишлаб чиқариш фармацевтика кластери (кейинги ўринларда – Кластер) ташкил этиш тўғрисидаги таклифи қабул қилинсин.

2. Белгилансинки, Кластер ўз ичига қуйидагиларни ташкил этишни қамраб олади: а) қуйидагилардан иборат ўз инфратузилмасига эга бўлган **Фармацевтика техник университети** (кейинги ўринларда – Университет); илмий-тадқиқот марказлари ва лабораториялари;

б) ўз-ўлими лабораториялари ва виварийлар; фармакопей маркази; меҳмонхонага эга симпозиумлар маркази; талабалар, ўқувчилар ва чет эллик ходимлар учун турар жой; спорт-соғломлаштириш мажмуаси, сув ҳавзаси ва стадион; в) инновацион дори воситалари, тиббий буюмлар ва тиббий техникалар ишлаб чиқаришга мўлжалланган ишлаб чиқариш майдонларидан иборат саноат зонаси (кейинги ўринларда – саноат зонаси).

3. Қуйидагилар: а) **Кластернинг асосий вазифалари ва фаолият йўналишлари этиб белгилансин:** халқаро тажрибани қўллаган ҳолда инновацион ечимлар (ноу-хау) ва юқори технологияларни жорий этиш орқали республиканинг фармацевтика тармоғини ривожлантириш;

фармацевтика тармоғида талаб юқори бўлган мутахассисликлар бўйича халқаро ўқитиш дастурлари фаолиятини амалга ошириш орқали кадрлар тайёрлаш учун ихтисослаштирилган таълим инфратузилмасини яратиш;

халқаро инновацион тизимга интеграциялашни, замонавий ўқув-лабораториялари ва илмий-тадқиқот марказлари, шунингдек, инновацион инфратузилмани яратиш орқали илмий-тадқиқот базасини ривожлантириш;

(Давоми 2-бетда)

## Олий Мажлис Қонунчилик палатасида

### ЧОРА-ТАДБИРЛАР ДАСТУРИ МУҲОКАМАСИ

**Парламент қўйи палатаси Кенгашининг йиғилиши бўлиб ўтди.**

Ўзбекистон Республикаси Президенти Шавкат Мирзиёевнинг Олий Мажлис Қонунчилик палатаси биринчи ташкилий мажлиси ва Олий Мажлис палаталари қўшма мажлисидаги маърузалари ҳамда Олий Мажлисга Мурожаатномасининг мазмун-моҳиятини чуқур ўрганиш, уларда белгиланган устувор вазифалар ижросини таъминлашда парламентнинг иштирокига доир масалалар атрофида муҳокама қилинди.

Давлатимиз раҳбарининг маърузаларида ҳамда Мурожаатномасида 2019 йилда юртимизда амалга оширилган ишлар чуқур таҳлил қилинди, 2020 йил ва келгуси даврда мамлакатимизни тараққий эттиришга доир устувор вазифалар белгиланган бўлиб берилди.

Президентимиз сиёсий, иқтисодий, ижтимоий жиҳатдан стратегик аҳамиятга эга, жамиятимиз ҳаётини, фуқароларимизнинг фаровон турмушини таъминлашга доир муҳим масалаларга эътибор қаратиш асосида бу борада янги Ўзбекистоннинг янги шакланган парламент олдига ҳам қатор масъулиятли вазифаларни қўйди.

Президентимизнинг маърузаларида ҳамда парламентга Мурожаатномасида белгиланган ҳар бир вазифа мамлакатимизнинг муайян соҳадаги ривожини янада жадаллаштиришга хизмат қилади. — деди Ўзбекистон "Миллий тикланиш" демократик партияси фракцияси раҳбари Алишер Қодиров. — Шу

боис, биз партияимиз позициясидан келиб чиқиб, Қонунчилик палатасининг чора-тадбирлар дастури лойиҳасининг дастлаб фракцияимизда батафсил муҳокама қилдик. Бугунги йиғилишда ҳам уни тақомиллаштириш мақсадида бир қатор таклифларимизни бердик. Мақсадимиз мазкур ҳужжат янги парламентнинг йўлини аниқ белгилайдиган, давлатимиз раҳбари томонидан илгари сурилган ғоя ҳамда ташаббусларни ҳаётга тўғри ва изчил татбиқ қиладиган ҳужжат бўлишига эришиш лозим.

Йиғилишда Олий Мажлис Қонунчилик палатасида тузилган барча қўмиталар ҳамда депутатлик бирлашмалари давлатимиз раҳбарининг маърузалари ва Мурожаатномасидан келиб чиқадиган ана шундай муҳим вазифаларни белгилаб олгани, уларда қўйилган топшириқларнинг барчасини бекума кўст бажариш, илгари сурилган ғоя ва ташаббусларни ҳаётга изчил татбиқ қилишга киришилгани қайд этилди.

Парламент қўйи палатаси томонидан амалга ошириладиган зарур ишларни ўзида акс эттирган чора-тадбирлар дастури лойиҳаси муҳокама этилди. Мазкур дастурни янада тақомиллаштириш, пишиқ-пухта ҳолда қабул қилиш учун ишчи гуруҳи тузилди.

Президентимиз Олий Мажлис Қонунчилик палатаси биринчи йиғилишидаги нутқидан ҳам бир қонуннинг, таъбир жоиз бўлса, кўзи, оёғи, ижроси бўлиши лозим, — деди Аграр ва сув ҳўжалиги масалалари қўмитаси раиси Равшан Мамутов. — Қонун қабул қилинганда, албатта, ҳаётда ўзгариш бўлиши керак, деган эдилар. Назаримда, нафа-

қат қонун, балки биз — парламент аъзолари қабул қилаётган қарорлар, ишлаб чиқарилган чора-тадбирлар ҳам мамлакатимиз ҳаётини қандайдир ўзгариш ясамоғи керак. Шу маънода, палатанинг чора-тадбирлар дастури лойиҳасини қўмитамизда ҳам кенг муҳокама қилдик, уни тақомиллаштириш юзасидан тузилган ишчи гуруҳи таркибига қўмитамиз аъзолари орасидан ўз вақилини киритдик. Бугунги Кенгаш йиғилишида ишчи гуруҳга ўз таклифларимизни бердик. Ўйлаيمانки, бу Қонунчилик палатасининг олдига қўйилган вазифалар ўз вақтида, сифатли бажарилишида ҳамда натижаси ҳам шунга яраша бўлишида муҳим омил ҳисобланади.

Маълумки, парламент қўйи палатаси Спикерининг биринчи ўринбосари лавозими таъсис этилган эди. Шундан келиб чиқиб, йиғилишда Қонунчилик палатасининг Спикери, унинг биринчи ўринбосари ва ўринбосарлари ўртасидаги вазифалар тақсимот қилинди. Айни вақтда янги парламент институти бўлиши Спикерининг биринчи ўринбосари фаолиятининг асосий йўналишларини аниқ белгилаб олинди.

Йиғилишда Қонунчилик палатасининг янги таркибдаги депутатларида парламентда фаолият кўрсатиш қўнималарини шакллантириш ҳамда уларнинг касбий маҳоратини ошириш мақсадида семинарлар, машғулотлар ўтказиш режасини ишлаб чиқиш ҳақидаги масала ҳам муҳокама қилинди. Олий Мажлис Қонунчилик палатаси Кенгаши ваколатига кирадиган бошқа масалалар ҳам кўриб чиқилди.

Нурилло НАСРИЕВ

**XXI аср** **саҳоси**  
Барча манбалардан олинган сўнгли хабарлар

### МАМЛАКАТИМИЗДА

● Давлат активларини бошқариш агентлиги томонидан Қашқадарё вилоятида оммавий ахборот воситалари вакиллари иштирокида ўтказилган пресс-турда айни шу мавзуга алоҳида эътибор қаратилди. Пресс-тур Давлат активларини бошқариш агентлиги Қашқадарё вилояти ҳудудий бошқармасида матбуот анжумани билан бўшланди. Унда оммавий ахборот воситалари вакиллари агентлигининг вилоят ҳудудий бошқармаси томонидан 2019 йилда амалга оширилган ишлар юзасидан батафсил маълумот берилди.

● Солиқ қодексининг мазмун-моҳиятини аҳолига, аниқса тадбиркорлик субъектларига етказиш мақсадида Хоразм вилоятининг Жива шаҳрида кўргазмали семинар ўтказилди. Ўзбекистон Республикаси Хисоб палатаси ва Давлат солиқ қўмитаси ходимлари томонидан ташкил этилган тадбирда давлат солиқ хизмати ходимлари, турли корхона ҳамда ташкилотларнинг раҳбар ва ҳисобчилари, тадбиркорлар иштирок этди.

● Андижонда "Radiometer" дастури орқали электр энергиясини назорат қилиш ишлари бир неча туманларда тўлиқ йўлга қўйилди. "Андижон ҳудудий электр тармоқлари корхонаси" акциядорлик жамиятида электр энергияси узатишда тармоқдаги йўқотишларга бар-

ҳам бериш, ускуналарни зўриқтирдан муҳофаза қилиш мақсадида қувват сарфини ишончли назорат қиладиган компьютерлаштирилган тизимни соҳага татбиқ этиш борасида самарали ишлар олиб борилмоқда. Хусусан, жамиятнинг алоқа бўлими бошлиғи Одилов Нуриддинов раҳбарлигидаги мутахассислар гуруҳи томонидан амалиётга жорий қилинган "Radiometer" — мнемосхема автоматлаштирилган тизими ҳудуддаги нимстанциялардан узатилаётган қувват микдорини назорат қилиш имконини яратди.

### ЖАҲОНДА

● Қариб денгизда, Ямайка ва Куба орасидаги ҳудудда 7,7 магнитудали кучли zilзила юз берди. Зилзила маркази Ямайкадаги Лу-сеа шаҳридан 117 км шимолда, ўчоғи 10 км чуқурликда бўлган. Зилзила кучи Кубада, Флоридада сезилган. Майамида одамлар бинолардан эвакуация қилинган. Айни вақтда жабрланганлар ва талофотлар ҳақида маълумотлар йўқ, бироқ гувоҳлар ижтимоий тармоқларда Ямайкада бинолар шикаст етганини маълум қилишган. Зилзила оқибатида Қариб денгизига кучли цунами ҳосил бўлиши мумкинлиги маълум қилинган. Цунами Белиз, Куба, Ҳондурас, Мексика, Кайман ороллари ва Ямайка соҳиллари бўйлаб ўттиши мумкин.

● Хонконглик олимлар гуруҳи Хитойда тарқалган янги турдаги коронавирусуга қарши вакцина ишлаб чиқди, бироқ уни синовдан ўтказиш учун анча вақт талаб этилади. "Биз вакцина ишлаб чиқдик, бироқ уни ҳайвонларда синовдан ўтказиш учун анча вақт талаб этилади", деб маълум қилган профессор Юэн Квок-Юнг. Олимнинг таъкидлашича, вакцинанинг ҳайвонларда синовини бир неча ой, одамларда синовини эса яна бир йил талаб қилиши мумкин.

Ўзбекистон Республикаси Президентининг ҚАРОРИ

“TASHKENT PHARMA PARK” ИННОВАЦИОН ИЛМИЙ-ИШЛАБ ЧИҚАРИШ ФАРМАЦЕВТИКА КЛАСТЕРИНИ ТАШКИЛ ЭТИШ ТЎҒРИСИДА

(Давоми. Боши 1-бетда)

инновацион ва юқори сифатли дори воситалари, тиббий буюмлар ва тиббий техникани ишлаб чиқаришга мўлжалланган замонавий рақобатбардош ишлаб чиқаришларни ташкил этиш учун, шу жумладан, хорижий фармацевтика компанияларининг инвестициялари ва илгор технологияларини жалб қилиш;

илмий-таълим ва тадқиқот марказларининг илмий-техник ва инновацион дастурлар, танловлар ҳамда грантларда иштирок этиши учун шарт-шароитларни таъминлаш;

таълим ва маълумотларнинг доимий алмашинуви ташкил этиш орқали хорижий ушбу йўналишдаги илмий-тадқиқот марказлари билан ҳамкорликни йўлга қўйиш, халқаро тадқиқот дастурлари, анжуманлар ва симпозиумларда амалий иштирок этишни таъминлаш;

б) Университетнинг асосий вазифалари ва фаолият йўналишлари этиб белгилансин:

дори воситалари, тиббий буюмлар ва тиббий техника ишлаб чиқариш, косметология, тармоқ ва бизнесни бошқариш соҳаларида халқаро таълим стандартларига мувофиқ малакали кадрлар тайёрлаш;

фармацевтика тармоғида кадрлар тайёрлаш тизимини тақомиллаштириш ва модернизация қилишга йўналтирилган инновацион ва самарали таълим дастурлари ва ўқитиш шакллари жорий этиш;

таълим ва фаннинг узлуксизлиги ва узвийлиги, шунингдек, уларнинг жаҳон таълими ва илмий ҳамжамиятга интеграциялашуви ҳисобига мутахассислар ва илмий-педагогик кадрларни қайта тайёрлаш ва уларнинг малакасини оширишни амалга ошириш;

фармацевтика таълими, фан ва ишлаб чиқаришнинг яқин интеграцияси учун шарт-шароитлар яратиш;

фармацелия, биотехнология, биофармацелия, фармацевтика тармоғи учун дори воситалари, тиббий буюмлар ва тиббий техникалар ишлаб чиқиш ҳамда уларни қўллаш соҳасида фундаментал ва амалий тадқиқотлар ўтказиш;

хорижий мамлакатларнинг етакчи таълим муассасалари, илмий-тадқиқот марказлари ва ишбилармон доиралари билан узоқ муддатли алоқаларни ривожлантириш ва мустаҳкамлаш.

Иқтисодий ҳамкорлик ва тараққиёт жамғармаси (ЕДСҒ) линиялари бўйича Корея Республикаси Ҳукумати узоқ муддатли имтиёзли кредитларини жалб қилиш орқали ўз инфратузилимига эга бўлган Университетни ташкил этиш тўғрисида дастлабки келишувга эришилганлиги маълумот учун қабул қилинсин.

4. Кўйидагилар: “Tashkent Pharma Park” инновацион илмий-ишлаб чиқариш фармацевтика кластерини ташкил этиш концепцияси 1-иловага мувофиқ;

“Tashkent Pharma Park” инновацион илмий-ишлаб чиқариш фармацевтика кластерини ташкил этиш бўйича амалий чора-тадбирлар режаси 2-иловага мувофиқ;

“Tashkent Pharma Park” инновацион илмий-ишлаб чиқариш фармацевтика кластери ҳудудида жойлаштириш тақлиф этилаётган истиқболли инвестиция лойиҳаларининг манзилли рўйхати 3-иловага мувофиқ;

“Tashkent Pharma Park” инновацион илмий-ишлаб чиқариш фармацевтика кластери ҳудудида транспорт, муҳандислик-коммуникация ва ишлаб чиқариш инфратузилимсини ривожлантириш дастури 4-иловага мувофиқ тасдиқлансин.

5. Кўйидагилар: “Tashkent Pharma Park” инновацион илмий-ишлаб чиқариш фармацевтика кластерининг васийлик кенгаши 5-иловага мувофиқ тарҳибда;

Давлат муассасаси шаклидаги “Tashkent Pharma Park” инновацион илмий-ишлаб чиқариш фармацевтика кластерини ривожлантириш дирекцияси (кейинги ўринларда – Дирекция) ташкил этилсин.

Белгилансинки, Дирекция фаолиятини мувофиқлаштириш Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги (кейинги ўринларда – Агентлик) томонидан амалга оширилади.

6. Кўйидагилар: а) Васийлик кенгашининг асосий вазифалари этиб белгилансин:

Кластер ҳудудида инвестиция лойиҳаларини амалга оширишда давлат органлари фаолиятини мувофиқлаштириш;

илмий-техник ишланмаларни молиялаштириш ва стратегик лойиҳаларни амалга ошириш учун халқаро грантларни жалб қилишда кўмаклашиш;

Кластернинг илмий-тадқиқот ва таълим салоҳиятини ривожлантириш йўналишларини белгилаш;

Университетнинг моддий-техник базасини мустаҳкамлашга, уни замонавий ўқув-лаборатория ва тажриба-саноат ускуналари билан жиҳозлашга кўмаклашиш;

мазкур қарор билан белгиланган вазифалар Дирекция томонидан бажарилишини мониторинг қилиш;

б) Дирекциянинг асосий вазифалари этиб белгилансин:

илгор хорижий тажрибани, Кластерни халқаро ҳамжамиятга интеграция қилишни инobatта олган ҳолда уни ривожлантириш, шунингдек, Кластернинг илмий-тадқиқот ва ишлаб чиқариш ташкилотлари ўртасида барқарор кооперацион алоқаларни йўлга қўйиш;

фармацевтика соҳасида биринчи илмий шахарчани яратишда таълим, илмий ва ишлаб чиқариш салоҳиятидан самарали фойдаланиш;

қўшма илмий тадқиқотларни амалга оширишда академик, таълим ва тармоқ илм-фани ўртасида ўзаро самарали ҳамкорликни таъминлаш;

Кластер аъзоларини рўйхатдан ўтказиш ва уларга тегишли гувоҳномаларни бериш, Кластер иштирокчиларининг реестрини юритиш;

инвесторлар ва Кластер иштирокчилари ўз зиммасига олган мажбуриятларини лозим даражада бажариш устидан назоратни амалга ошириш;

Дирекция томонидан ишлаб чиқилган бош режага мувофиқ, Агентликнинг қарорига асосан тасдиқланган инвестиция лойиҳаларини Кластер ҳудудида жойлаштириш;

саноат зонаси ҳудудида инвестиция лойиҳаларининг ўз вақтида амалга оширилиши, ишга туширилиши ва Кластер иштирокчилари самарали фаолият юритишни таъминлаш учун уларга зарур инфратузилма (электр энергияси, газ ва сув таъминоти, канализация, кириш йўллари ва бошқалар) яратиш билан боғлиқ масалаларни ҳал этишда амалий ёрдам қўрсатиш;

Кластерни ривожлантиришга хорижий мутахассислар ва маслаҳатчиларни жалб қилиш;

республика фармацевтика тармоғини ривожлантиришнинг муҳим йўналишларини амалга оширишда стратегик инвесторларни аниқлаш нуктаи назаридан Кластер ҳудудида жойлаштириш учун тақлиф қилинаётган инвестиция лойиҳаларини тайёрлаш ва экспертиза қилиш.

Ўзбекистон Республикаси Вазирлар Маҳкамаси бир ой муддатда Дирекция фаолиятини ташкил этиш тўғрисида ҳукумат қарорини қабул қилсин.

7. Белгилансинки, а) Кластер саноат зонаси ҳудудида инвестиция лойиҳаларини амалга ошириш тўғрисида Президентнинг 2016 йил 26 октябрдаги “Эркин иқтисодий зоналар фаолиятини фаоллаштириш ва кенгайтиришга доир қўшимча чора-тадбирлар тўғрисида”ги ПФ-4853-сон Фармонининг 3 ва 4-бандлари таътиқ этилади;

б) Дирекциянинг таъминоти, шу жумладан, унинг ходимлари меҳнатига ҳақ тўлаш ва моддий рағбатлантириш, шунингдек, асосий воситаларини сотиб олиш кўйидаги манбалар ҳисобидан амалга оширилади;

Агентлик ҳошидаги Ўзбекистон Республикаси Фармацевтика тармоғини қўллаб-қувватлаш ва ривожлантириш бюджетдан ташқари жамғармаси маблағлари; Дирекция бошқарувидаги ер участкалари, бинолар ва иншоотларни ижарага беришдан тушган тушумлар;

Ўзбекистон Республикаси Давлат бюджетидан ажратиладиган маблағлар; хорижий ва халқаро ташкилотларнинг грантлари; жисмоний ва юридик шахсларнинг хайрия маблағлари;

қонун билан таққикланмаган бошқа манбалар.

8. Агентлик Кластерни ташкил этиш мақсадида Дирекциянинг талабномаларига кўра Ўзбекистон Республикаси Фармацевтика тармоғини қўллаб-қувватлаш ва ривожлантириш бюджетдан ташқари жамғармаси маблағлари ҳисобидан кўйидаги чора-тадбирларга тўловларни амалга оширишга рухсат берилсин:

Кластер ҳудудининг режа босқиси ва батафсил режа-лаштириш лойиҳаси, лойиҳа ҳужжатларини ишлаб чиқиш ҳамда қурилиш-монтаж ишларини амалга ошириш; консалтинг ва инжиниринг хизматларини кўрсатишда иштирок этадиган хорижий мутахассислар ва маслаҳатчиларнинг меҳнатига ҳақ тўлаш;

Университет профессор-ўқитувчиларининг хорижий таълим ва илмий-тадқиқот муассасаларида амалиёт ўташи бўйича харажатлар;

жисмоний ва юридик шахсларга тегишли бўлган ер участкасида жойлашган турар жой, ишлаб чиқариш бинолари ва бошқа бинолар, иншоотлар ва дарахтзорлар бузилиши сабабли, ер участкаси олиб қўйилганда мулкдорларга етказилган зарарни қоплаш.

9. Тошкент вилояти ҳокимлиги бир ой муддатда: Ўзбекистон Республикаси Қурилиш вазирлиги, Ер ресурслари, геодезия, картография ва давлат кадастри давлат қўмитаси ҳамда Дирекция билан биргаликда ер участкасининг чегараларини белгилаш ҳамда Кластерни жойлаштириш учун ажратиладиган ҳудудларни топографик тасвирга олишни таъминласин;

Кластер ташкил этиш учун Тошкент вилояти Қибрай туманида кейинчалик кенгайтириш имкониятини инobatта олган ҳолда, умумий майдони 43,75 гектар ер участкаси ажратилишини таъминласин.

10. Кластер қурилиши доирасида Дирекция, истисно тариқасида, қишлоқ ҳўжалигига мўлжалланмаган мақсадларда олиб қўйиладиган сўғориладиган ерлар учун компенсация тўловларини тўлашдан озод қилинсин.

11. Иқтисодиёт ва саноат вазирлиги, Молия вазирлиги, Инвестициялар ва ташқи савдо вазирлиги ҳар йили тегишли йиллар учун Ўзбекистон Республикаси Инвестиция дастурининг параметрларини шакллантиришда “Tashkent Pharma Park” инновацион илмий-ишлаб чиқариш фармацевтика кластери ҳудудида транспорт, муҳандислик-коммуникация ва ишлаб чиқариш инфратузилимсини ривожлантириш дастурини амалга ошириш учун капитал қўйилмалар лимитларини ва зарур марказлаштирилган инвестициялар ажратилишини назарда тутсин.

12. Ўзбекистон Республикаси Ташқи ишлар вазирлиги Агентлик буюртманомаларига биноан белгиланган тартибда Кластер ҳудудида инвестиция лойиҳаларини амалга ошириш даврида жалб қилинадиган хорижий мутахассислар, шунингдек, уларнинг оила аъзоларига консуллик ва бошқа йигимларни ундирмасдан кириш визаларни расмийлаштирилишини таъминласин.

13. Ўзбекистон Республикаси Ички ишлар вазирлиги Агентлик буюртманомаларига биноан белгиланган тартибда Кластер ҳудудида инвестиция лойиҳаларини амалга ошириш даврида жалб қилинадиган хорижий мутахассисларга давлат божи ундирмасдан кўп марталик визалар берилишини ва узайтирилишини, шунингдек, вақтинча яшаш жойи бўйича вақтинча прописка қилинишини ва унинг муддати узайтирилишини таъминласин.

14. Ўзбекистон Республикаси Бандлик ва меҳнат муносабатлари вазирлиги белгиланган тартибда республикага ишчи кучини (Ўзбекистон Республикаси фуқароси бўлмаганлар орасидан) жалб этишга рухсатномалар берилишини (муддати узайтирилишини), шунингдек, ушбу фуқароларга Ўзбекистон Республикаси ҳудудида меҳнат фаолияти билан шуғулланиш ҳўқуқини берувчи тасдиқномалар берилишини (муддати узайтирилишини) таъминласин.

15. Мазкур қарорнинг ижросини назорат қилишда кўйидаги тартиб ўрнатилсин: инвестициялар ва ташқи савдо вазири С.У.Мурзоев – узоқ муддатли хорижий имтиёзли кредитларни ўз вақтида жалб қилган ҳолда белгиланган муддатларда Кластерни, шу жумладан, Университет ва саноат зонасини ташкил этиш бўйича ишларнинг самарали ташкил этилишини, масъул идоралар ва ташкилотлар фаолияти мувофиқлаштирилишини, аниқланган муаммолар ва камчиллар тезкорлик билан бартараф этилишини таъминласин;

Агентлик директори в.б. С.Х.Кариев – Кластерни самарали бошқариш тизимини яратиш, уни шакллантириш жараёнида юзага келадиган кундалик масалаларни ҳал қилиш, саноат зонаси ҳудудида юқори сифатли дори воситалари, тиббий буюмлар ва тиббий техника ишлаб чиқариш бўйича инновацион қувватларни жойлаштириш, ишлаб чиқарилаётган фармацевтика маҳсулотларининг рақобатбардошлигини ошириш, ушбу соҳадаги академик ва илмий-тадқиқот муҳитини ривожлантиришни таъминласин;

Тошкент вилояти ҳокими Р.К.Холматов – ер участкасининг чегараларини аниқлаш ва транспорт, муҳандислик-коммуникация ва ишлаб чиқариш инфратузилимсини таъминлаган ҳолда уни Кластер ташкил этиш учун ажратсин, Кластер, шу жумладан, Университет ва саноат зонаси фаолиятини ташкил этишда ҳар томонлама кўмаклашсин.

Ўзбекистон Республикаси Президенти Ш.МИРЗИЁЕВ

Тошкент шаҳри, 2020 йил 28 январь

Ўтувчи шахслар Ўзбекистон Республикасида тадбиркорлик фаолиятини амалга оширувчи ва товарларни (хизматларни) реализация қилувчи қўшилган қиймат солигини тўловчилар, деб эътироф этилади;

– божсиз савдо божхона тартиб-таомилига жойлаштирилган товарларни реализация қилиш бўйича айланма солиқ солишдан озод этилади;

– жисмоний шахслар томонидан товарларни божсиз олиб киришнинг божхона тўғрисидаги қонун ҳужжатларида тасдиқланган нормалари доирасида олиб кирилаётган товарлар солиқ солишдан озод этилади.

Учрашув сўнгига ташқи иқтисодий фаолият қатнашчиларига ўз фаолияти давомида муаммоларга дуч келса ҳамда божхона расмийлаштируви билан боғлиқ бўлган масалалар юзасидан Давлат божхона қўмитасининг 11-08 ҳамда Тошкент шаҳар божхона бошқармасининг (71)120-76-76 ишонч телефон рақамига қўнғироқ қилиши ёки бевосита божхона пости бошлиғига мурожаат қилиши мумкинлиги айтиб ўтилди.

Тадбирда тадбиркорларни қизиқтирган саволларга мутахассислар томонидан батафсил жавоблар берилди.

Зиёда РАСУЛОВА

ЁШЛАР МАНФААТЛАРИ УСТУВОР

Президентимизнинг 2020 йил 24 январдаги Олий Мажлисга Мурожаатномасининг аҳамияти, ундан келиб чиқадиган вазифалар шу кунларда мамлакатимиздаги барча олий таълим даргоҳларида, меҳнат жамоаларида, вазирлик ва ташкилотларда ўрганилмоқда.

Ўзбекистон давлат санъат ва маданият институтида талаба-ёшларнинг ҳўқуқ-тартибот идоралари масъуллари билан ўтказилган учрашувида ҳам мамлакатимизда ёшларга оид яратилаётган имконият ва шароитлар, давлатимиз раҳбарининг Мурожаатномаси ҳусусида сўз юритилди.

Мазкур институт ректори, филология фанлари доктори, профессор Иброҳим Йўлдошев, Ўзбекистон Республикаси ички ишлар вазирининг ўринбосари Рустам Ҳотамов, Ўзбекистонда хизмат кўрсатган артист Учқун Тиллаев ва бошқалар Президентимизнинг 2020 йилдаги парламентга Мурожаатномаси Ватанимиз тараққиётининг бир йилга эмас, бир неча йилларда илгари одимлаши йўлидаги муҳим дастур эканини алоҳида таъкидлади.

Айни пайтда мазкур дастур қучли ижтимоий йўналтирилгани, унда мамлакатимизни шиддат билан ривожлантириш, шу мақсадда рақамли технологияларни жорий этиш, бу борада кадрлар салоҳиятини юксалтириш бўйича қўллаб амалий вазифалар белгиланди. Нурунийлар, ёрдамга муҳтож оилалар, аёллар, ёш қизларга эътиборни қучайтириш масаласи Мурожаатномада устувор ўрин эгаллагани аҳамиятлидир.

Ёшларга меҳр ва эътибор қаратиш, гамҳўрлик кўрсатиш, уларнинг олий таълим олиши, касбий малака ва маҳоратини юксалтириш, интеллектуал салоҳиятини муттасил чахрлаб бориши учун барча имкониятлар сафарбар этилишига оид амалий тақлиф ва вазифалар Мурожаатномани ўқ илдизини ташкил этади. Бу жиҳатларни бутун халқимиз, ота-оналар, ёшлар, маънавият, таълим фидойилари алоҳида миннатдорлик билан эътироф этмоқда.

Учрашувда Мурожаатномадан келиб чиқадиган вазифалар белгиланганлиги. Спорт, таълим, жамоат ишларида ўрнатилган ёшлар эсдалик совғалари билан тақдирланди.

Н.УСМОНОВА

Қонун ва ижро

ЖАЗО МУДДАТИНИ ЎТАЁТГАН 68 ФУҚАРО ПЕНСИЯ ОЛАДИГАН Бўлди

2019 йил 28 августда “Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги қонун қабул қилинди.

Мазкур ҳужжатнинг 1-моддасига асосан “Фуқароларнинг давлат пенсия таъминоти тўғрисида”ги Ўзбекистон Республикаси қонунининг айрим моддаларига ўзгартириш ва қўшимчалар киритилди. Унга кўра, манзил-колонияларда жазони ўтаётган, озодликдан маҳрум этишга ҳўқм қилинган шахсларга нафақат пенсия тайинлаш, балки озодликдан маҳрум қилинганга қадар тўхтатилган пенсия тўловини тиклаш ҳўқуқи ҳам тақдим этилган.

Ушбу қонун билан маҳкумлар пенсия тайинлаш қандай тартибда амалга оширилади?

Ўзбекистон Республикаси Президентининг Администрацияси ҳузуридаги Ахборот ва оммавий коммуникациялар агентлигида ўтказилган матбуот анжуманида бу ҳақда маълумот берилди.

Молия вазирлиги ҳузуридаги бюджетдан ташқари Пенсия жамғармаси ижро этувчи директорининг биринчи ўринбосари Меҳмет Тлеуов “Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги қонун фуқароларнинг ижтимоий муҳофазасини янада қучайтиришга қаратилган чора-тадбирларнинг мантйқий давоми бўлиб, ушбу ҳўжат ижтимоий адолат принципларига тўла мослигини таъкидлади.

Мамлакатимиз ҳудудида 25 манзил-колония мавжуд бўлиб, уларда 300 дан ортйқ маҳкум пенсия ёшига тўлган. Уларнинг 60 га яқини эса озодликдан маҳрум этилганга қадар бирор-бир турдаги давлат пенсиясини олиб келган ҳамда озодликдан маҳрум этилганидан кейин уларнинг пенсия тўлови қонунчиликда ўрнатилган тартибда тўхтатилган.

– Мазкур қонун ижросига кўра, эндиликда Пенсия жамғармасининг туман, шаҳар бўлимлари томонидан 37 нафар манзил-колонияда жазо муддати ўтаётган фуқарога пенсия тайинлаш ҳўқуқини тақдим этилган бўлиб, бу борадаги ишлар шу ташкилотларнинг ўзаро ҳамкорлигида амалга оширилмоқда. Ҳозирги кунда мурожаатлар Қорақалпоғистон Республикаси, Жиззах, Қашқадарь, Самарқанд, Сирдарь, Сурхондарь, Тошкент вилоятларидаги манзил-колониялардан келиб тушган. Пенсия жамғармамиз эса ушбу мурожаатлар бўйича амалий ёрдам кўрсатаётир. Маҳкумларга нафақа тайинлаш ҳўқуқини тақдим этилган Ўзбекистон Республикаси Ҳўкумати-нинг айрим қарорларига ўзгартириш ва қўшимчалар киритиш тўғрисида қарор лойиҳаси тайёрланмоқда. Унда манзил-колонияда жазо муддатини ўтаётган шахсларга ҳам нафақа тайинлаш ва тўлаш кўзда тутилган.

Насиба ЗИЁДУЛЛАЕВА, ЎЗА мухбири

Мамлакатимизда Президентимиз ташаббуси билан ишбилармонлик муҳитини янада яхшилаш, кичик бизнес ва хусусий тадбиркорликни ривожлантиришга қаратилаётган доимий эътибор самарасида кичик бизнеснинг иқтисодиётимиздаги улуши тобора ортиб бормоқда.

Айниқса, янги таҳрирда қабул қилинган Солиқ кодекси жорий йил 1 январдан амалга киритилиши бу борада янги даврни бошлаб берди.

Янги таҳрирдаги солиқ кодекси мазмун-моҳияти тушунтирилди

Тошкент шаҳар божхона бошқармасининг “Сирғали” ташқи иқтисодий фаолият божхона постида Тошкент шаҳар солиқ бошқармаси билан ҳамкорликда ташкил этилган тадбирда шу ҳақда сўз юритилди. Ўзбекистон Республикасининг янги таҳрирдаги Солиқ кодексининг мазмун-моҳиятига бағишланган семинарда шахримизда фаолият юритувчи тадбиркорлар, Тошкент шаҳар божхона бошқармаси ҳамда солиқ бошқармасининг масъул ходимлари иштирок этди.

Унда янги таҳрирдаги Солиқ кодекси 71 та боб, 480 та моддадан иборатлиги, унда солиқлар ва йигимларнинг сони ва турлари, шунингдек, алоҳида солиқ

режимлари оптималлаштирилгани, эндиликда, мамлакатимизда жисмоний ва юридик шахслар 9 турдаги солиқ тўловларини амалга ошириши ҳақида батафсил маълумот берилди.

Тадбир давомида солиқ бошқармасининг масъул ходими сўзга чиқиб, янги таҳрирдаги солиқ кодексига кўра, 2020 йил 1 январдан бошлаб жисмоний шахслар томонидан товарларни божсиз олиб киришнинг божхона тўғрисидаги қонун ҳужжатларида тасдиқланган нормалари доирасида олиб кирилаётган товарлар солиқ солишдан озод этилиши шунингдек, янги таҳрирдаги солиқ кодекси билан божхона соҳасига оид бир қатор ўзгартиришлар киритилганлиги бўйича

иштирокчиларга батафсил тушунтирилди.

Жумладан, Солиқ кодексининг янги таҳририда 1 январдан бошлаб:

– трансферт нархи белгилашда солиқ назоратини ўтказишда (шу жумладан таҳлил этиладиган битимнинг) ва таққосланадиган битимларнинг тижорат ва молиявий шартларини таққослаш чоғида) Ўзбекистон Республикаси Давлат солиқ қўмитаси Ўзбекистон Республикаси Давлат божхона қўмитаси томонидан эълон қилинадиган ёки сўровга кўра тақдим этиладиган Ўзбекистон Республикаси ташқи савдосининг божхона статистикасидан фойдаланади;

– Ўзбекистон Республикасининг божхона чегараси орқали товарларни олиб

– божсиз савдо божхона тартиб-таомилига жойлаштирилган товарларни реализация қилиш бўйича айланма солиқ солишдан озод этилади;

– жисмоний шахслар томонидан товарларни божсиз олиб киришнинг божхона тўғрисидаги қонун ҳужжатларида тасдиқланган нормалари доирасида олиб кирилаётган товарлар солиқ солишдан озод этилади.

Учрашув сўнгига ташқи иқтисодий фаолият қатнашчиларига ўз фаолияти давомида муаммоларга дуч келса ҳамда божхона расмийлаштируви билан боғлиқ бўлган масалалар юзасидан Давлат божхона қўмитасининг 11-08 ҳамда Тошкент шаҳар божхона бошқармасининг (71)120-76-76 ишонч телефон рақамига қўнғироқ қилиши ёки бевосита божхона пости бошлиғига мурожаат қилиши мумкинлиги айтиб ўтилди.

Тадбирда тадбиркорларни қизиқтирган саволларга мутахассислар томонидан батафсил жавоблар берилди.

Зиёда РАСУЛОВА

**Учтепа туманидаги "Ю.Саккокий" маҳалласида истиқомат қилувчи 100 ёшни нишонлаётган Зиявитдин Асомовнинг уйларига ташриф буюрганимизда ораста ва шинам хонадонда ўзига хос беқиёс файз борлигини ҳис қилдик.**

**Юз билан юзлашганлар**

**ҚАРИЯЛАРИ ҚАДР ТОПГАН ЮРТ**

Хонадонда ўзгача шуқуҳ, шодиёна, отахоннинг фарзандлари, невар ва эваларлари, узоқ яқин қариндошлари йиғилган.

Учтепа туамни ҳоқими Ф. Абдуллаев бошчилигида, туман "Нуроний" жамғармаси раиси З.Асатов, "Маҳалла" хайрия жамоат фонди раиси Ф.Шамисиев, туман Ёшлар иттифоқи вакиллари ҳамда Тошкент шаҳар "Нуроний" жамғармаси кенгаши раиси Р.Каланов ҳам Зиявитдин Асомовни табриклаш учун совгалар билан қутлуг хонадонга ташриф буюришди.

Отахон бошчилигидаги бу оиланинг бахту-камоллини, саодатли, бахтиёр кунларини кўриб баҳру дилимиз яйради.

Юзу, кўзларидан самимият ва нур ёғилиб турган, табарруқ ёшларида ҳам барчани очик чеҳра билан қутиб олаётган, кўллари дуода бўлган отахондан – айни пайтда кўнглингиздан нималар кечди – деб сўраганимизда шундай жавоб бердилар:

– Бундай дорилмомон, кунларга етказганига шуқрона келтирмаман. Кексаларга эътибор кўрсатаётганлар учун авваломбор Президентимизга чин кўнглидан миннатдорчилик билдираман. Биздай ёши улуг инсонларни ҳамisha йўқлаб, барча шарт-шароитларни яратиб бергани учун минг раҳмат. Илоҳим давлатимизга кўз тегмасин, дастурхонларимиз тўкин, юртимиз тинч, барчанинг хонадонда осойишталик ва шодумонлик бўлсин.

А.Зиявитдинов, 1920 йил 13 январь кун пайтахтимизда ишчи оиласида туғилган. 1935-1938 йилларда Тошкент педагогика билим юртини тугаллаб,

"Қизилкўприк" (Октябрь) маҳалласидаги саводсизликни тугатиш курсида ўқитувчи бўлиб ишлаган.

1941-1945 йилларда соғлиги тўғри келмаганлиги туфайли ҳарбий хизматга қабул қилинмаган, Отахон урушга бормаган бўлсада, бор куч ва ғайратини ёш авлодга билим, тарбия беришга сарфлаган. Урушнинг оғир йилларида уларга таянч бўлган. Ўз умри давомида халқимизнинг саводхонлигини ошириш йўлида меҳнат қилиб келган фидойи факриларимиздан ҳисобланади.

Зиявитдин ота, "Фронт ортидаги фидокорона хизматлари учун", "Улуг ватан урушида қозонилган ғалабанинг 30 йиллиги", "Меҳнат фахрийси", "Жасорат", "Улуг ватан урушида қозонилган ғалабанинг 50 йиллиги", "Иккинчи жаҳон урушида қозонилган ғалабанинг 70 йиллиги" медаллари билан тақдирланган.

Бугунги кунда отанинг юздан зиёд шогирдлари мамлакатимизда турли соҳаларда фаолият юритиб келмоқда. Отахон рафиқалари Раҳима ая билан 5 қиз ва 4 ўғилни олий маълумотли, билимдон ва солиҳ инсонлар этиб вояга етказган. Хозирда 22 невар, 46 нафар эвара ҳамда 5 нафар чевараларнинг суякли бобоси ҳисобланади. Отахоннинг 74 ёшли қизлари Дилбар ая ва 72 ёшли ўғли Хожимурот ота билан ҳам суҳбатлашар эканмиз, яшашнинг мазмунини, ҳаётнинг маъносини яхшилик, эзгулик, меҳр туйғуларни чамбарчас боғлаб турганлигини яна бир бор ҳис қилдик.

Зеро, қалб яқинлигини, оқибатнинг мустаҳкам ришталари билан узвий боғлаб, яқинларимизнинг қадрига етмас эканмиз, ҳаёт деб аталувчи бу гулшан-



нинг гўзаллигини янада ҳис этиб, маъносини ҳамisha ҳам англайвермаймиз.

Отахоннинг умр йўллари билан танишар эканмиз инсон матонатининг нечоғлик қудратли эканига янада амин бўлиб боравердик.

Бинобарин ҳаётда нотекис йўлар, қийинчиликлар ва машаққатли довлардан ўтишни эллаб боришга шуқр, йўғига сабр қилиб яшаш ҳаманинг ҳам қўлидан келавермайди.

100 ёшни қарши олганларига қарамай ҳар доим маҳалла аҳли билан ҳамнафас, ҳар ишда маслаҳаттўй отага қарб, "қарияларимиз ҳамisha соғу-саломат бўлишин, илоҳим" деб пичирлаб қўйдим.

– Падалибузрукворим бизнинг бахтимиз, дуоғўйимиз оилаларимизнинг файзи, онажоним 2004 йилда вафот этганлар, – дейди отанинг энг кенжа қизи Дилфуза Асомова. – Уларнинг дуолари остида, фарзандларимиз, невараларимиз одобли, илми, билим ва ҳунар эгаллашга интиланган. Ота-онамнинг меҳнатлари ва ўғитлари туфайли мен ҳам шифокор бўлиб озми-кўпми эл-юртга нафим тегиб турибди. Ота-онамизнинг сабр, тоқат, мустаҳкам ирода билан ўтказган ҳаёт йўллари, ғайрат-шижоати бизларни ҳам доимо олдинга бошлайди. Уларнинг меҳнат машаққатини кўриб

улгайган фарзандлари ҳам ва минг шуқурки жамиятимизга нафи тегадиган инсонлар бўлиб етишган ва бугунги кунда кексалик гаштини сурмоқда. Илоҳим аҳиллигимиз ва қариндошлар ўртасидаги иноқлигимизга кўз тегмасин.

Ҳа, инсоннинг умр йўллари унинг босган излари билан эмас, қилган меҳнати, кўрсатган хизмати ва эл-юрт олдидаги бурчи билан ўлчанади. Қутлуг хонадондан қайтар эканмиз, қалбимиз ажиб бир хотиржамликка тўлди. Аср билан юзлашган отахон кўллари дуога очиб юртимизга тинчлик, дастурхонимизга тўкинлик, эзгу ишларимизга бардоғлик, Президентимизга саодатли узоқ умр тиладим.

Пиру бадавлат инсонларнинг дуолари ҳамisha ижобат бўлади. Шундай қутлуг ёш барчамизга насиб айласин. Отахоннинг умрлари бунданда зиёда бўлсин.

Ҳа, фақат бизнинг мамлакатимиздагина кекса авлод вакилларига эътибор ва ғамхўрлик, меҳр-оқибат кўрсатиш, маънавий ҳаётимизнинг ажралмас қисмига айланган. Зеро, кексалик умр зийнати ҳисобланади. Қарияларимизни ардоқлаб ҳар бир кунимизга шуқрона келтириб яшаш эса ҳар биримизнинг маънавий бурчимиздир.

Гулчеҳра ДУРДИЕВА

**АСКАРЛАР БИЛИМИ СИНОВДАН ЎТКАЗИЛДИ**

**Тошкент давлат аграр университетиде Тошкент ҳарбий округига қарашли ҳарбий қисмларда муддатли ҳарбий хизматни ўтаётган аскарлар учун тест синовлари ўтказилди.**

Аудиторияларда шаффоқлик, холисликни таъминлаш мақсадида эксперт-кузатувчилар жараёни кузатиб борди. Тест саволларини ечиш, жавоблар варақасини тўлдириш учун жами 3 соат вақт ажратилди. Билимларини синовдан ўтказган аскарлар шу пайт мобайнида жами 100 тандан тест саволига жавоб берди.

Мамлакатимизда ҳарбий хизматчиларни қўллаб-қувватлаш, уларни муносиб рағбатлантириш тизими самарали йўлга қўйилган. Бу эса хизмат даврида ҳар томонлама сафдошларига ўркан бўлган аскарлар учун муҳим аҳамиятга эга.

Намунали ҳарбий интизом, жанговар ва маънавий-маърифий тайёргарликда юқори натижаларга эришган, мантқиқий саволлар, шунингдек, физика ва математика фанларидан тест синовларида энг кўп балл тўплаган аскарлар мамлакатимиз олий таълим муассасаларига имтиёзли асосда ўқиш имконини берадиган ҳарбий қисмлар қўмондонлигининг тегишли тавсияномаларини қўлга киритади.

– Ҳарбий хизмат ҳар бир йигитни руҳий ва жисмоний жиҳатдан чиниқтиради, – дейди оддий аскар Муҳаммадали Янгибоев. – Хизмат давомида ҳарбий соҳага оид билимларни пухта эгаллашга ҳаракат қилиб, ўз билимимни ҳам ҳар томонлама оширдим. Бунинг учун командирларимдан миннатдорман. Хизматни яқунлагач, ҳарбий билим юртида ўқишга ҳужжат топширмоқчиман. Ўқиб, юртимиз тинчлиги ва халқимиз осойишталигини таъминлашдек шарафли ишимни давом эттирмоқчиман.

Бугунги кунда Тошкент ҳарбий округининг ҳарбий қисмларида муддатли ҳарбий хизмат бурчини шараф билан бажарётган йигитларнинг жанговар тайёргарлигини мустаҳкамлаш, билимини бойитиши, ҳарбий интизомни чуқур ўзлаштириши учун барча қулайлик яратилган.

Вазирлар Маҳкамаси ҳузуридаги Давлат тест маркази томонидан олинанидан тест натижаларига кўра, аскарлар республиканинг барча олий таълим муассасаларига ўқишга кириш учун ўзи тўплаган баллнинг 50 фоизи миқдориде қўшимча имтиёзга эга бўлади.

**АКА-УКА РАССОМЛАР КЎРГАЗМАСИ**

**Ўзбекистон Бадий академияси Иқо Хираяма халқаро маданият карвон саройида андижонлик рассомлар ака-ука Нўмонжон ва Абдуллажон Холмирзаевларнинг Ўзбекистон бўйлаб сайёр кўрғазмаларининг якунига бағишланган "Нигоҳ" номли кўрғазмаси бўлиб ўтди.**

Кўрғазмада иккала рассомнинг халқимизнинг миллий аналлари, турмуш тарзи, кадриятлари ва урф-одатлари акс этган 70 дан ортиқ ишлари намойиш қилинди.

Нўмонжон Холмирзаев 1980 йили Андижон педагогика билим юртини тамомлаб, 1980-1984 йилларда Низомий номидаги Тошкент Давлат педагогика университетининг "Бадий графика" йўналишида таҳсил олган.

Абдуллажон Холмирзаев эса мактабни битиргач, акаси ортидан бориб, П.Беньков номидаги рассомлик билим юртида таҳсил олган. Коллежни тамомлагач, Камолитдин Бехзод номидаги Миллий рассомлик ва дизайн институтида ўқиган.

Ака-ука рассомлар ижод соҳасида алоҳида дид ва қарашлари билан ажралаб туради. Буни улар яратган асарларни кузатгандагина англаш мумкин.

(ЎЗА)

Мухаммад ШОДИЙ

**САРАНЖОМ-САРИШТАЛИҚДА ҲИКМАТ КЎП**

**Эрта тонгда оила аъзоларидан кимлар аввалроқ уйғониши ва нима билан банд бўлишига болалиқдан қизиққанман: қизлар, кейинлар, аёллар.**

Субҳидамда дарвозани очиб, ҳовли ва кўча эшигини олдини тартибга келтириш, хуллас, манзилга "файз-фаришта" киритиш улар зиммасида. Аёлнинг сариштаси – одамнинг фариштаси, деб бежизга айтишмаган. Бирок супуриш-сидиритиш, манзилу маконни чанг-тўзон, ахлат ва шунга ўхшаш ортиқча нарсалардан тозалаш фақат хотин-қизларнинг вазифаси эмас. Саранжом-саришталикда улардан қолишмайдиган эркакларимиз бор.

Кўп қаватли уйда истиқомат қиламиз. Худудимиз кўп қаватли тоза ва озода. Мутасадди хизматчилар ўз ишини вақтида бажаради. Лекин табиатнинг феъли маълум. Каттиқ шамол турганда, айниқса кўз оқирларида, супуриш-сидиритиш жой аввалги ҳолидан баттар бўлиши мумкин. Аммо "таслим бўлиш" йўқ – у ерда яшаётганлар дарҳол қайта тозалашга киришади.

Яқинда Юнусобод туманидаги 19 мавзеге бориб, кўп қаватли уйлардаги санитар ҳолатни кузатдим. Кўнглидагидек. Уйлардан бирига киришим билан "подъезд"даги файз-тароват, тартиб билан қўйилган гултуялар эътиборини тортиди. Бу ерда турли миллатта мансуб бир неча хонадон аъзоларимас, саранжом-саришталик ҳадисини олган бир оила аъзолари яшайди гўё.

Ҳамма "дом"лар ҳам шундайми? Афсус. Баъзан йўлакларда юриб, табиатнинг хира бўлади. Бетонли ариқчалар ҳазон ва маийш чикиндида тўла. Емон хидинг анкиб туриши-чи.

Баъзилар уй ичини тоза сақлайдику-я, эшикнинг орти билан иши йўқ. Зиналардан кўтарилиб, айрим эшиклар олдида чикинди халталарига қўзингиз тушади. "Кўчага чикинимда обориб ташларман" деган хаёл билан халталарни шундоққина эшикларни олдида қўйишади уй бекалари. Бу нимадан далолат?

Чикиндиҳоналар мавжуд. Лекин у ерга боришда ҳаммада ҳам ғайрат йўқ – издиҳом ўтадиган йўл четиде ноҳуш кайфият уйғотиб, ахлат уйими ётади. Маийш чикиндиларни тўплаш ва ташиб кетиш – "Махсустрас" идораси ишчи-хизматчилари зиммасида. Тозаланган "нукта", бир-икки кун ўтгач, яна ўша ахвол. "Ахлат ташаганга жарима фалон сўм" деган огоҳлантирувчи эълонлар гўё ҳўжақўрсинга-ю, холос. Биров жарима тўладими, йўқми, ҳеч ким билмайди.

Тозалик-озодалик билан шуғулланишнинг муайян вақти йўқ. Бекажонларимиз, юқорида таъкидлаганимиздек, эрта тонгдаюқ кўлига супуриги олади. Жамоат жойларида эса Ободончилик идораси ишчилари ярим тонда ҳам ишлайди. Эрталаб ишга, ўқишга кетаётганимизда кўча ва гузарлар саранжомлигидан қалбимиз равшан тортади.

Зотан, инсоннинг тозалик билан қандай муносабатда бўлишидан ички табиатини англашимиз мумкин. Гузал қалб соҳибига позитивликни ёқтиради, тозалик ва озодаликни сақлашга ҳаракат қилади.

**2020 йил Илм, маърифат ва рақамли иқтисодиётни ривожлантириш йили**

**ВАТАН ТАРАҚҚИЁТИ УЧУН КАМАРБАСТАМИЗ**

Президентимиз ташаббуси ва халқимиз томонидан ҳар бир йилни номлаш ва шу номга мутаносиб иш юритишга одатланганмиз. Ҳар бир келаятган янги йилларнинг бошлангида, йил номларини қизиқиш билан, интиқ бўлиб кутамиз!

Барча давлат ташкилотлари, санонат, қишлоқ ҳўжалик, қурилиш, фан-таълим йўналиши, хусусий тадбиркорликлар ва барча соҳалар йил мавзусига оид, юртимизда бугунги кунларда амалга оширилаётган ислохотлар, қарорлар фармойишлар ва бозор иқтисодиёти жараёнида, итёмолчиларнинг талаб ва тақлифлари ўрганиб чиқилган ҳолда, йиллик иш дастурларимизни ишлаб чиқамиз ва тафаккуримиз, илмимиз, тахрибамиз, билимимиз бевосита йил мавзусига йўналтирамиз.

Президентимиз Ш.Мирзиёев ташаббуси билан 2020 йил "Илм, маърифат ва рақамли иқтисодиётни ривожлантириш йили" деб эълон қилинди.

Президентимиз ўз нутқида "Мақсадимиз эркин, тинч ва бадавлат бўлиб яшаш, халқимизни рози қилиш ва уларнинг фаровон яшашларига замин яратиш", деб таъкидлаганларини ғувоҳи бўлганмиз! Ҳаммамизга маълумки, Президентимиз айтиб ўтганларидек, охириги 3 йил мобайнида сўз эркинлигига эришдик. Халқ қабулхоналари, маҳаллаларимиз, иш жойларимиз бемалол ўз дардимиз, орзу-умидларимиз баралла айта олишга эришдик!

Бундан шуни хулоса қилиш керакки, ҳозирги кунда юртимиздаги ҳар бир фуқаронинг ижтимоий келиб чиқишидан қатъий назар уларни тинглай оламиз ва уларнинг йиллар давомида йиғилиб қолган дардларига эндиликда малҳам ҳам бўла оламиз! Йил мавзусининг шундай номланиши, республикамиздаги барча соҳалар бўйича хизмат кўрсатаётган фуқароларимиз, қандайдир бир ижобий туртки ёки қувват ёки давъат бўлиб қолди. Президентимизни бу ташаббусларини қўллаб-қувватлаш ва ишончини оқлаш, юртимиздаги ҳар бир касб эгасини, қолаверса, барча фуқароларимизнинг масъулиятини оширади. Республикаимиздаги амалга оширилаётган ислохотларга ҳар биримиз ўз ҳиссамизни қўшишимиз зарур ва бурчимиз деб қабул қилишимиз керак.

Юқоридаги маълумотларга таянган ҳолда биз педагогларга ҳам, ўз-ўзидан юксак ишонч ва масъулият юкланди. Бунинг учун ҳозирги бозор иқтисодиёти шароитида иқтисодиётимизни ўсишини мақсад қилган ҳолда, таълим сифатини ривожлантиришга янада эътиборимизни қаратишимиз ва бугунги кунгача эришган натижаларимизни атрофича таҳлил қилиб, таълимнинг инновацион ривожланишига ўз ҳиссамизни қўшишимиз, бугунги кунимизнинг давр талаби деб ҳисоблаймиз. Президентимиз таъкидлаганларидек, биз бугунги кунда янги ривожланган Ўзбекистонни қуриш бўсафасида турибмиз.

Ҳақиқатан ҳам Республикаимизда матбуот, интернет тизимлари етарли даражада ривожланиб кетди. Ёшларимизнинг таълимга бўлган эҳтиёжи ошди, қолаверса, иқтисодимиз раванқига эришиш учун, кундан-кунга янгидан-янги инновацион гоёларга талабимиз ва эҳтиёжимиз ортиб бормоқда. Ҳозирги кунда ўзимизни қизиқтирган, истаган маълумотларимизни маълум бир дақиқаларда олиш имкониятлари энди бизда ҳам мавжуд, чунки оммавий ахборотларни итёмолчиларга етказиш ва ахборотларни қайта ишлаш тизимлари шиддат билан ривожланиб бормоқда! Бугун бизлар бундай оммавий ахборот тизимларидан ижобий ва оқилона фойдаланишимиз зарурлигини ҳаммамиз идрок этиб турибмиз.

Президентимиз томонидан ўтган 2019 йил "Фаол инвестициялар ва ижтимоий ривожланиш йили" деб эълон қилинган эди, агар атрофича таҳлил қилиб кўрсак, жорий 2020 йилнинг "Илм, маърифат ва рақамли иқтисодиётни ривожлантириш йили" деб номланишида, узвий юксалишларни қуришимиз мумкин.

Сабохат Тўхтабоева

Муҳтарам Президентимиз Шавкат Мирзиёевнинг Олий Мажлисга Мурожаатномалари том маънода Ўзбекистоннинг янги авлод тарбиясида янги-янги вазифаларни белгилаб олиш ва амалга оширишда дастуруламал вазифасини ўташи шубҳасиз.

Дарҳақиқат, Мурожаатномада таъкидланганидек, жамиятда тинчлик ва осойишталикни таъминлашда ҳеч ким четда турмаслиги, "Ўз болангизни, ўз уйингизни, ўз Ватанингизни кўз қорачигидек асран!" деган шиор одамларимиз калбида чуқур жой олиши кераклиги барчамиз учун ҳаётий тамойилга айланиши зарурдир.

Хусусан, ҳозирги глобаллашув даврида мамлакатимизда ёшларга бўлган эътибор ҳар доимгидан кўра катта масъулиятни талаб этмоқда. Шу боис, уларда ватанга садоқат, ўз ишига масъулият, мамлакатимизда амалга оширилаётган ислохотларга ҳайрихоҳлик, "Миллий тикланишдан - миллий юксалиш сари" деган дастурий ғоя асосида, ёшларни она юртга садоқат руҳида тарбиялаш, уларда ташаббускорлик, фидойилик, ахлоқий фазилатларни шакллантиришда спорт муҳим аҳамият касб этади.

Юртимиздаги барча касб эгалари каби Ўзбекистон Республикаси Миллий гвардияси Ҳарбий-техник институти ҳарбий хизматчилари ҳам бўш вақтини Тошкент шаҳар Олмазор туманида жойлашган умумий ўрта таълим мактаблари ўқувчилари ўртасида соғлом турмуш тарзини қарор топтириш мақсадида ҳарбий ватанпарварлик шиори остида 2019 йилнинг май ойидан буён "Ватанпарвар-спортчи ёшлар тўғрақлари" фаолиятини йўлга қўйиб келмоқда. Даставвал 10 та мактабда 400 га яқин ўқувчиларини жамлаган бўлса, тўғрақлар сони бугунги кунга келиб 20 та мактабда жами 1000 га яқин фарзандларимизни қамраб олди. Энг муҳими, 2020 йил январь ойидан бошлаб институт ҳарбий хизматчилари ва курсантлари мураббийлик қилаётган тўғрақлар раҳбари К.Усмонов туман Ички ишлар бошқармаси Вояга етмаганлар бўлими ҳамда туман Халқ таъ-

лими бўлими билан ҳамкорликда уюшмаган ёшларни ҳам спортга кенг жалб этиш чора-тадбирлари режасини ишлаб чиқиб амалга ошираётганлиги туман ёшлари соғлом турмуш тарзини қарор топтириш ва бўш вақтларини мазмунли ташкил этишлари борасида тизимли ишлар йўлга қўйилганлигидан далолат беради.

Жисмонан соғлом бўлиш, бошқаларга ҳар томонлама намунали хулқи билан ўрнак бўлиш, мустақил дунёқараши, ҳуқуқий саводхонлиги, муста-

ЁШЛАРДА ВАТАНПАРВАРЛИК ФАЗИЛАТЛАРИНИ ШАКЛЛАНТИРИШНИНГ МУҲИМ ОМИЛИ

қил ҳаётга қадам қўяётганда турмуш қийинчиликлари ва ёлгон вадаларга учиб қолмасликлари каби тарбиявий машғулотлар спорт тўғрақларининг ажралмас таркибий қисми саналади.

Спортчи ҳарбий хизматчиларнинг ёшларимизга спорт сир-асрорларини ўргатишлари билан бир қаторда уларни машғулот жараёнида фидойилик ва ҳарбий ватанпарварлик руҳида тарбиялаб беришлари, ёшларда вақтнинг қадрига етиш ва унумли фойдаланиш, шахсий позициясини шакллантириш ўқув машғулотларини аъло баҳолашга ўзлаштиришларида ижобий аҳамият касб этаётганлиги мактаб маъмурияти ва ота-оналар эътирофига сазовор бўлмоқда.

Энг қувонарлиси, ушбу спорт тўғрақларининг биринчи навбатда ҳарбий хизматчилар томонидан юритилиши, яъни эртанги кун эгаларининг таълим-тарбияси ишончли қўлларда эканлиги бўлса, иккинчидан ушбу тўғрақларни ҳафтанинг олти куни

давомида тинимсиз бепул фаолият олиб бораётганлигидир.

Шунинг билан бирга Институт ходимлари томонидан келгусида ёш истиқболли спортчиларни танлаб олиш ва тарбиялаш, илмга асосланган спортни ривожлантиришга доир ўқув-услубий ва илмий-тадқиқот ишларини олиб боришни режалаштирганлиги 2020 йил - "Илм, маърифат ва рақамли иқтисодиётни ривожлантириш йили"даги устувор вазифа ҳисобланади.

Бинобарин, ушбу тўғрақлар фаолиятларини янада кенгайтириш, ёшларни кенгроқ жалб этиб уларни ҳар томонлама етук қилиб тарбиялаш, уларда ватанпарварлик фазилатларини янада юксалтириш масаласига эътибор қаратишимиз, давалатимиз бебаҳо бойлиги ва куч-қудрати саналган авлоднинг камол топишида барчамиз бирдек масъул эканлигимизни унутмасликка ундайди.

Хулоса қилиб айтганда, ёшлар сиёсати ва спорт соҳасига доир амалга оширилаётган ислохотларнинг ижросини таъминлаш, ана шу ислохотларни фаол тарғиботчиси ва фидойиси сифатида К.Усмонов раҳбарлигидаги бир гуруҳ Ҳарбий-техник институт ҳарбий хизматчилари ва курсантлари Олмазор тумани ёшларининг бўш вақтини мазмунли ўтказиш, уларнинг спортга бўлган қизиқишини ошириш, келажакда ўз ўринларини топишлариغا пойдевор яратиш йўлида беминнат хизмат қилмоқда.

Камол УСМОНОВ Ҳошим ўғли, Ўзбекистон Республикаси Миллий гвардияси Ҳарбий-техник институти "Гуманитар ва ижтимоий фанлар" кафедраси бошлиғи, полковник, фалсафа фанлари бўйича фалсафа доктори, Фулом МИРЗАЕВ, Ўзбекистон Республикаси Миллий гвардияси Ҳарбий-техник институти "Гуманитар ва ижтимоий фанлар" кафедраси ўқитувчиси, катта лейтенант, тарих фанлари бўйича фалсафа доктори

БЕШ ТАШАББУС – БЕШ ИМКОНИАТ

Яккасарой туманидаги "Дилбулоқ" маҳалла гузариди Президентимиз томонидан илгари сурилган 5 ташаббуснинг ижросини таъминлаш, ёшлар ўртасида китобхонликни ривожлантириш мақсадида кутубхона ташкил этилди.

Кутубхонада бугунги кунда 200 га яқин ўзбек, рус ва инглиз адабларининг асарлари жой олган. Ёшларнинг бўш вақтини мазмунли ташкил этиш, китобга бўлган меҳрини янада оширишни кўзлаб очилган кутубхона ўғил-қизлар билан гавжум.

дан тўғри фойдаланиш кўникмасини шакллантириш, улар ўртасида китобхонликни тарғиб қилиш, хотин-қизлар бандлигини таъминлаш масалаларига бағишланган 5 та муҳим ташаббус илгари сурилди. — дейди "Дилбулоқ" маҳалла фуқаролар йиғини раиси Баҳодир Арипов. — Шиддат билан ривожланиб, мафкура ва ғоялар кураши авж олаётган бугунги глобаллашув даврида ёшлар ўртасида ушбу 5 муҳим ташаббусни илгари су-

риш, оммалаштириш ҳар қачонгидан ҳам долзарб вазифага айланган. Маҳалла жонкуярлари ҳам айнан шу хайрли мақсадда ёшлар учун кутубхона ташкил этдик. Маънавияти юксак ёшлар келажакда қоқилмасдан жамиятда ўз ўрнини эгаллаши шубҳасиз.

Ёшлар кутубхонадаги адабиётларни ўқиш билан бирга дўстлари билан муҳокама қилиш, ўзаро фикр алмашиш имконига эга бўлишмоқда.

Зарина РУСТАМОВА

ЧЎГЛАНМА ЛАМПОЧКАЛАРНИНГ ЯШИРИН АЙЛАНМАСИ ФОШ ЭТИЛДИ

Сифати кафолатланмаган товар-моддий бойликларнинг ноқонуний айланмасига қарши божхона органлари томонидан тизимли равишда кураш олиб борилмоқда.

Жумладан, Тошкент шаҳар божхона бошқармасининг Контрабанда ва божхона қонунчилиги бузилишига қарши курашиш бўлими ходимлари томонидан ҳуқуқни муҳофаза қилувчи бошқа идора вакиллари билан ҳамкорликда чўгланма лампочкаларнинг ноқонуний айланмасини фош қилишди.

Сергели туманида ўтказилган тезкор тадбир давомида, фуқаро К.Ф.га тегишли юк автомашинаси тўхтатилиб, белгиланган тартибда божхона кўригидан ўтказилди.

Натижада, автомашина юкхонасида божхона расмийлаштирувидан ўтказилганлигини тасдиқловчи ҳужжатлари бўлмаган, хорижда ишлаб чиқарилган турли қувватли салкам 5000 дона чўгланма лампочкалар

борлиги аниқланди. Ҳозирда юқоридаги ҳолат юзасидан божхона органлари томонидан суриштирув ҳаракатлари давом эттирилмоқда.

Эслатиб ўтамоқчи, Ўзбекистон Республикаси Вазирлар Маҳкамасининг 2015 йил 20 октябрдаги "Энергияни тежайдиган лампалар маҳаллий ишлаб чиқарилишини кенгайтириш чора-тадбирлари тўғрисида"ги 299-сонли қарорига кўра, электр чўгланма лампаларни 2016 йил 1 июлдан эркин муомалага чиқариш ва 2017 йил 1 январдан бошлаб эса Ўзбекистон Республикаси ҳудудидида реализация қилиниши тақиқланган.

Тошкент шаҳар божхона бошқармаси Аxbорот хизмати

КОРРУПЦИЯ — ТАРҚҚИЁТГА ПУТУР ЕТКАЗУВЧИ ИЛЛАТ

"Ўзэнергоинспекцияси" Тошкент шаҳар бўлимида "Коррупцияга қарши курашишнинг ҳуқуқий асослари" мавзусида давра суҳбати бўлиб ўтди.

Унда коррупцияга қарши кураш юзасидан республика бўйича олиб борилган чора-тадбирлар, миллий ва халқаро қонунчилик, жамият тарққиётига путр етказувчи иллат билан курашишнинг ҳуқуқий асослар тўғрисида тўхталиб ўтилди. Шу ўринда, Ўзбекистон Республикасининг биринчи Президенти томонидан 2012 йил 29 октябрда қабул қилинган "Коррупцияга қарши кураш тўғрисида"ги қонун лойиҳасини тайёрлаш чора-тадбирлари дастури ҳақида"ги Фармойиши бугунги кунда ушбу йўналишда амалга оширилаётган чораларни янада кучайтирилганлиги алоҳида таъкидлаб ўтилди.

Йиғилишда бу борада миллий ва ривожланган демократик давлатлар тажрибасига ургу қаратилиб, давлат ҳокимияти идоралари фаолиятида қонунчилик талабларига риоя қилиш ва қонун устуворлигини таъминлаш, коррупцияга қарши қабул қилинган меъёрий ҳужжатларнинг амалиётда қўлланилишини ҳар томонлама ўрганиш, уларни янада такомиллаштириш юзасидан тушунчалар берилди.

Абдулла АБДУЛЛАЕВ, "Ўзэнергоинспекцияси" Тошкент шаҳар бўлими етакчи мутахасиси

Реклама ва эълонлар

"CAPITAL TRUST INVEST" МЧЖ бошланғич нархи босқичма-босқич ошиб бориш тартибидида ўтказиладиган такрорий очик аукцион савдосига тақлиф этади!

2020 йил 13 февраль куни соат 11.00 да бўлиб ўтадиган такрорий аукцион савдосига АТ "Халқ банки" Олмазор филиалининг 28.01.2020 йилдаги № 58-сонли буюртманомасига асосан банк тасарруфидаги Тошкент шаҳар, Олмазор тумани, Қорақамиш 2/3 мавзеси, 11-уй манзилида жойлашган умумий майдони 124 кв.м бўлган АТ "Халқ банки" Олмазор филиалига қарашли 339-сонли коммунал касса биноси кўйилмоқда. Бошланғич баҳоси — 301 000 000 сўм.

Юқоридаги кўчмас мулк 2020 йил 13 февраль куни сотилмаган тақдирда, такрорий савдолар 2020 йил 28 февраль, 16, 31 март ва 15, 30 апрель кунлари соат 11.00 да бўлиб ўтади.

Юқоридаги кўчмас мулк билан буюртмачи ташкилот вакиллари иштирокида бевосита манзилга чиқиб танишиш мумкин. Аукцион савдосида қатнашиш истагини билдирган талабгорлар савдо ташкилотчиси билан тузиладиган закалат келишувига асосан кўчмас мулк бошланғич нархининг 15 фоиздан кам бўлмаган миқдорда закалат пулини "CAPITAL TRUST INVEST" МЧЖ АТ "Xalqbank" Тошкент шаҳар филиали амалиёт бўлимидаги кўйидаги ҳисоб рақамига тўлашлари лозим: 20208000100757166001. МФО: 01132. СТИР: 304 802 952.

Аукцион савдосида иштирок этувчи талабгорлардан буюртманомаларни қабул қилиш расмий иш кунларида (шанба, яқшанба ва байрам кунларидан ташқари) соат 10:00 дан 16:00 гача қабул қилинади. Талабгорлардан буюртмаларни қабул қилиш савдо ўтказиладиган кундан бир иш куни олдин соат 16:00 да тўхтатилади. Савдо ғолибига аукцион савдоси натижалари бўйича ғолиблик баённомаси имзоланган санадан бошлаб 10 кун ичида сотувчи билан олди-сотди шартномаси имзолаш мажбурияти юклатилади.

Манзил: Тошкент шаҳри, Миробод тумани, Истикбол кўчаси, 34-уй. Телефон: (+99871) 236-25-53. www.capitaltrust.uz. Лицензия RR — 0298

"Яккасарой тумани ер тузиш ва кўчмас мулк кадастри" давлат корхонаси томонидан Яккасарой тумани, Усмон Носир кўчаси, 122А-уй, 6-хонадон учун Хамрақулова Зумрад Ахмеджановна номига берилган кадастр ҳужжатлари йўқолганлиги сабабли

БЕКОР ҚИЛИНАДИ

Тошкент давлат иккинчи Тиббиёт институти томонидан 2003 йилда Tashmina Yasmin Islam номига берилган DI № 000724 рақамли диплом йўқолганлиги сабабли

БЕКОР ҚИЛИНАДИ

Енги атлетика

ҒОЛИБЛАР САРАЛАНДИ

Республика ихтисослаштирилган олимпия заҳиралари мактаб-интернатидида енгил атлетика бўйича болалар ва ўсмирлар спорт мактаблари ўқувчилари ўртасида очик турнир ўтказилди.

Жисмоний тарбия ва спорт вазирлиги ҳамда мамлакатимиз енгил атлетика федерацияси томонидан ўтказилган мусобақанинг ядро улқотириш баҳсларида Евгения Буданова ҳамда Александр Ли олтин медални қўлга киритди.

Турли масофаларга югуришда Раиса Дробжева, Виктория Артемко, Валерия Панова, Тимур Исроилов, Дамир Габидов ва Дониёр Жўраев марра чизигини биринчи бўлиб босиб ўтди. 60 метр масофага тўсиқлар оша югуришда Эдгар Бурхонов ва Мадина Миннулинова барча рақибларини орта қолдириб, турнир ғолибига айланди.

Баландлик ва узунликка сарқашда Амир Нагаев, Олег Бузкин, Арина Орипова ҳамда Ксения Степанова шохсупанинг энг юқори поғонасига кўтарилди.

ТЕННИСЧИЛАРИМИЗНИНГ НАВБАТДАГИ МУВАФФАҚИЯТЛАРИ

Россиянинг Қозон шаҳрида теннис бўйича "Фьючерс" туркумига кирувчи мусобақада Сергей Фомин яккалик ва жуфтлик баҳсларида муваффақиятли иштирок этди.

Турнирнинг яккалик баҳслари финал учрашувида ҳамюртимиз Сергей Фомин россиялик Евгений Тюрневга қарши қорғат қикди. Учинда теннисчимиз рақибини 6:4, 3:6, 6:3 ҳисобида мағлубиятга учратиб, бош совинини қўлга киритди.

Жуфтлик баҳсларида С.Фомин бошқа бир теннисчимиз Жўрабек Каримов билан финалга қадар муваффақиятли иштирок этиб, яқунда мусобақанинг вице-чемпионларига айланди.

Таиланднинг Нонтанбури шаҳрида теннис бўйича "Фьючерс" туркумига кирувчи турнирда Окгул Омонмуродова ҳамда Нигина Абдураимова саралаш баҳсларида иккинчи ғолибга эришди.

Саралаш баҳсларининг иккинчи босқичида Окгул япониялик Химено Саказумени 6:2, 4:6, 10:7 ҳисобида мағлуб этди ва асосий даврага чиқиш учун ўтадиган ўинда бошқа бир япон теннисчиси Рина Сайгога қарши қорғат қикди.

Мазкур босқичда иштирок этаётган Нигина Абдураимова эса гонконглик Кван Ю Нгдан 4:6, 7:5, 11:9 ҳисобида устун келди ва навбатдаги босқичга ўтди.

Энди Н.Абдураимова саралаш босқичининг учинчи даврасида Янги Гвинея вакили Абиғаил Терре-Аписакхага қарши қорғат қикди.

Жавоҳир ТОШЎЖАЕВ, ЎЗА МУХБИРИ

ШОИРАНИНГ ЯНГИ КИТОБЛАРИ

Ўзбекистон Ёзувчилар уюшмасида "Меҳнат шўхрати" ва "Дўстлик" орденлари соҳибаси, шоира Зулфия Мўминова қаламига мансуб китоблар тақдимоти ўтказилди.

"Чўлпон" нашриётида 5 минг нусхада чоп этилган "Юмшоқой исми типратиканча", "Академнашр" нашриётида 15 минг нусхада нашр қилинган "Донишманд тошбақанинг кўзойнаги" номли эрталак тўплами, "Ўзбекистон" нашриёт-матбаа ижодий ўйи томонидан 5 минг нусхада босилган "Болаларга китоб беринг" китоблари тадбир иштирокчилари эътиборига ҳавола этилди.

Тақдимотда Ёзувчилар уюшмасининг "Болалар адабиёти" кенгаши аъзолари, болалар адабиётининг таниқли намоёндалари, адабиётшунос олимлар, шоир ва ёзувчилар, Абдулла Қодирий номидида ижод мактаби ўқувчилари, олий ўқув юрталари талабалари иштирок этди.

"Юмшоқой исми типратиканча" номли китобидаги бир-биридан қувноқ эрталак болаларни миллий маънавиятимизнинг соф ахлоқий мезонларини асосида тарбиялашга хизмат қилиши билан аҳамиятлидир.

Муаллифнинг "Донишманд тошбақанинг кўзойнаги" номли китоби болалар учун ҳали ҳеч қаерда айтилмаган эрталакларни ўз ичига олган. Болаларга хос беғуборлик, қувноқлик ва ҳақғўйлик билан суғорилган ушбу эрталаклар мурғак қалбларда катталарга ҳурмат, кичикларга иззат каби фазилатларни шакллантиришга хизмат қилади. Энг муҳими, болада эрталакдаги қаҳрамонлардек жасур, билимдон, меҳрли бўлиш истаги уйғонади.

"Болаларга китоб беринг" китобида ижодкор болаларни она табиати севвишга ундайди.

Шоиранинг юртимиз ёшларининг севимли қўшиғига айланган "Болага китоб беринг!" шеъри кўпчиликка таниш. "Хўроз нега учомайди", "Чин дўст", "Бўғалоқ ва кўзичоқ", "Донишманд тошбақанинг кўзойнаги" каби шеърлари ва эрталаклар бошланғич синфлар ўқув дарсликларидан ўрин олган.

Тақдимот яқунда муаллиф томонидан ёшларга китоблар совға қилинди.

Озода БЕКМУРОДОВА, ЎЗА МУХБИРИ

ЎЗГИДРОМЕТ ХАБАР ҚИЛГАДИ. Тошкент шаҳрида 30 январь кунини ҳаво ўзариб туради, ёғингарчилик бўлмайд. Шарқдан секундида 3-8 метр тезликда шамол эсади. Ҳарорат кечаси — 0-2 даража совуқ, кундузи — 8-10 даража илқ бўлади. Ўзгидрометнинг мониторинг хизмати маълумотига кўра, 30 январда Тошкент шаҳрининг об-ҳаво шартини шаҳар ҳаво муҳитида зарарли моддаларнинг бир оз тарқалиб кетишига имконият яратди, шўрсланиши даражаси паст бўлади.